



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Benedicti Ariæ Montani Hispalensis Poemata**

In Qvatvor Tomos Distincta

In quo Daudis Regis ac Prophetæ, aliorumque sacrorum Vatum Psalmi; ex  
Hebraica veritate in Latinum carmen obseruantissimè conuersi

**Arias Montano, Benito**

**Antverpiæ, 1589**

Psalmvs XL. Exspectans exspectauit Dominum.

**urn:nbn:de:hbz:466:1-44993**

74

## PSALMORVM

10 Mutus contineo meum

Os, namque illa tuo non sine numine.

11 Parce ô verberibus grauis

In me quæ renouas; heu pereo manus

Infectu valido tuæ,

Impar dura Dei vulnera perpeti.

12 Cùm tu crimina corripis,

Obiurgasque virum, defuit huic decus;

Ceum vestis, tineis perit,

Omnis terrigena ac scilicet est nihil.

13 IAS auribus excipe

Clamorem atque preces, nec lachrymas meas

Surdus dissimules, vides

Me (quales proauos noueris) hospitem,

Terræque hospitis incolam;

Nec quidquam stabile hîc, nec proprium mihi est.

14 Iam me solue precor, precor,

Et cura sine me vt restituar graui,

Ne si progrediar nimis,

Pressus deficiam, nullus &amp; auolens.

## PSALMVS XL

Expectans expectaui Dominum.

MAXIMÆ VICTORIÆ CHRISTI  
GRATVLATIO.

1 Ad præstantem Dauidis Psalmus.

*Carmen Sapphicum.*2 **N**Vmen vt sanctum mihi semper IAE  
Certus expecto, mihi flexus ille est,  
Ac meæ vocem placidus querelæ

Audiit ægram.

3 Ille me extractum puteo sonanti,  
Atque cœnosa barathris lacunæ  
Rupe firmato pede ferre gressus

Iussit in alta.

4 Tunc nouum grato dedit ore carmen,  
Hanc Dei nostri celebrare laudem;  
Dum vident multi, metuent & IAM  
Speque fideque.

5 Ille vir multis numeris beatus,

Fida

Fida cui spes est bene notus IAS,  
Quique mendaces negat & superbos  
Cernere nitus.

6 Plurimis PRINCEPS mihi es auctor IAS,  
Consul & rebus, tibi quæ stupens dum  
Eloquor narrans, superant carentem  
Nomine summam.

7 Victima & munus penitus probata haud  
Sunt tibi, aptasti mihi fictor aures;  
Hostiæ haud fumos petis, expiantis  
Nec sacra flammæ.

8 Tunc libens dixi, Venio Deus mi,  
Deque me scriptum refero volumen;

9 Grata mi constant tua iussa, & iniis  
Visceribus lex.

10 Nuntius iusti populo frequenti  
Sum tui & præco; mea labra nunquam  
Continens clausi, vt mihi testis IAS  
Consciis ipse es.

11 Cor meum nunquam tua iusta celat  
Facta, veracem Dominum salutis  
Dico te denso in populo benignum,  
Teque fidelem.

12 Ne tuum clemens mihi pectus IAS  
Clauseris, quin me miseratus atque  
Consilii compos tuere, & potentis  
Numinis vsu.

13 Me mali, turbæ numero carentes  
Obsident, curui & vitij phalanges  
Opprimunt; quos non oculis notare aut  
Cernere possim.

14 Nam mei vincunt numero capillos  
Verticis, nec cor superest dolenti;  
Sed volens IAS propera, me & almus  
Eripe custos.

15 Turpis atque omnes pudeat repulse,  
Qui meam quærunt temerare vitam;  
Qui malum mi iam expediunt, pudenda  
Damna reportent.

16 Præmium turpi referant ruina  
Dedecus qui mi cupiunt, dolenti  
Qui graui insulant strepitu; parati  
Dicere vah, vah.

87 Gaudeant qui te petere læti,  
 Quique amant, quam tu cupidis salutem  
 Efficis; magnis memorent ferendum

Laudibus I A M.

88 Ipse inops, pauper licet atque egenus,  
 Consulit tutor mihi prosper I A S:

Sed precor sospes mihi ne morere ô

Maxime PRINCEPS.

PSALMVS XLI.

Beatus vir qui intelligit super egenum.

HVMANORVM MORVM  
 EXAMEN.

Ad præstantem, Psalmus Davidis.

Ode Tricolos Tetraſtrophos.

- 1 **A**uctus beato munere sortium est  
 Is quisquis ægro consulit ac fauet.  
 Illum diebus sospes I A S  
 Casibus eripietque duris.
- 2 Custos valentem hunc, hunc bene viuidum  
 I A S beatum terricolam dabit,  
 Cessisse nec dedit malignis  
 Hostibus atque animis nocentum.
- 3 Lecto hunc iacentem corpore languidum  
 I A S fouebit fulciet ac bonus,  
 Totum ac laboranti cubile  
 Sternet & in melius reponet.
- 4 Namque ipse tristi murmure dixeram,  
 I A S miseris sis medicus mihi,  
 Peccasse & in te contentem  
 Hanc animam recrea miscellam.
- 5 Hostes maligno murmure proferunt  
 Infausta, quantum percipiunt mihi,  
 Quando interibit nomen, atque hoc  
 Lucifugæ tenebræ recondent.
- 6 Ingressus ut me visere fingeret,  
 Vnusque & alter vana loquens manet,  
 Peruersaque obseruans maligno  
 Pectore proloquitur reuersus.